




無不宜高楊

仁和羅灑晴江著



陳繼聰 忠義紀聞錄

羅先生以智字鏡泉新城人拔貢生寓居省垣高才碩學工詩古文詞尤愛離騷嘗取騷注自王叔師而下二十餘家披閱之謂其大半多臆說空言愈解愈鑿而騷之本義愈晦識者以為名言道光二十五年攝鎮海教諭至即謁文廟視兩廡粟主無陸贄名訝曰宣公久已奉 旨從祀而鎮海學宮尚缺如前此校官毋乃憤憤乎趣吏立主照欽定位次供奉之已復祭忠義節孝祠以勵風化集諸生課其文嚴定甲乙人人喜得師也時耆老周正祥創修海塘忌者嘖有煩言先生作修海塘記以破羣議其後

塘工竟成而先生早已去任矣士民多追誦之先生天性
淡定無仕進意晚益耽於經學喜購書青鞋布襪時坐坊
肆中收拾叢殘多得善本所藏甚富有江東羅氏小印以
識之每閱一書自首至尾丹黃爛然親自校訛訂謬至老
不倦與學使吳晴舫侍郎最契侍郎亦夙以淹博稱者也
咸豐十年寇陷杭州先生殉難其著作如說文傳經證怡
養齋詩集皆散失

余既得校本翟晴江詩求羅氏傳狀不得今日於坊肆購

忠義聞見錄八冊携歸翻檢得此文亟錄于卷首相鄉沈文

即坊肆亦好校書丹黃工整與鏡泉同列忠義聞見錄中



杭城並江而東數十里邨落萬餘散居漶桑之中卽以
其蠶桑之所息績絲以爲縑繒或糾合以爲綫紡杼錘
竹左響右應相接十餘里近遠求其闔戶雜誦之聲蔑
乎無聞兒童授邨書未竟卽謝業而他務自其高曾之
所誨教儕偶之所詔語惟是課責筋力勤者爲賢計較
錙銖纖嗇仰有取俯有拾搢搢然卒歲悶悶然終身積
久而風俗成故垂纓振裾之士不接於目長者之車不
逢於道見有整衣履輒詰問事何事數百年來習舉子
業而步黌宮者視若景星卿雲無以眩耀聳動其耳目
若忘其世固有大雅之一塗也 國朝重熙累洽文化
覃敷譽髦不擇地而出而吾鄉揚嘉橋翟氏始以詩書

鳴翟氏一門少長皆讀書文采斑斑蔚若於菟其仲氏
晴江爲尤怒以其經藝之餘力汎濫及於古籍山經地
志稗史說部佛乘道誥之崑瑣尚蒐獵而弗炙之其他
益可知著書矻矻不休成數十卷尤長於詩他人蹙縮
不能道一字晴江罄歎抒千言一題或數十首險韻或
疊三四至於十於體自三言及八九十言無格不備能
於奇窘艱仄處翺且翔焉極掉臂游行之樂少年結東
臯吟社時才氣已若此吾浙 國初衍雲間派尚傍王
李門戶秀水朱太史竹垞氏出尚根柢考据擅詞藻而
騁轡銜士夫咸宗之儉腹咨嗟之吟擯棄不取風雲月
露之句薄而不爲浙詩爲之大變晴江嘗再入都得與

當世秉文幟鉅公通晉謁若鄭筠谷侍讀金江聲憲副
杭堇浦編修等及浙東西諸名士交雉鴈訂縞紵人人
皆樂得晴江晤朝夕當其清觴酌花別袂贈柳頻預高
會於盟文歆墨之壇其聲明儀物之所臚列包匭之所
貢納未遽在執蒲穀以下而主盟諸公於晴江隱然時
有所畏蓋其詩實入浙風時尚之殼故能聲譽著稱若
是歸而篋衍告滿四方之士來求晴江之詩十手鈔勿
供乃謀付之梨棗而屬序於予維樹虛學勿竟志甘心
伏野以老立身未能取信於世譏讒交至烏足以序晴
江之詩令其取信於天下後世之才彥哉顧晴江視予
爲鄉曲舊人交又最久遠沛其聲而遺其近侶雖譎陋

無不宜齋
勿欲棄也是屬序之意也而予又幸鄉里中傑然起晴江一人破野田鄙瑣荒陋之習而扇以詩書之風香以騷雅之氣爲數百年來萬數邨落發其聲光遠近父老豈無有豔其文采而教其子弟事學者乎吾之子若孫得無有藉晴江之交遊而得扶大雅之輪以振作者乎太平無窮薰染無盡將見阡陌之中詠菁莪而歌金石之子肩背相望化樸野爲華腴實自晴江開其先則予雖不足爲晴江輕重上以歌帝化下以誌鄉里之慶亦野老之任也序其何敢辭
乾隆壬申夏至後臨江鄉人吳樹虛序

無不宜齋未定稟 卷一

仁和翟灝晴江

甘棠邨襍詠 并序

予居臨江鄉去城市遠風土幽奧家勤于農桑有幽人風宜于詩凡觸趣會予一一詠之存如干首舊編圖籍經界次以周興嗣千字文而予居適直甘棠二字又近里有百年老棠樹遂以名村後之按志者知臨江鄉有甘棠邨自予始

傍舍清瑤流浮空光可掇沙雨隔宵添沿花路八達扞
扞蜻蜓舟興至一櫂撥 港
鄰界水東西行空一虹貫凭闌俯倒影髮鬢石髮亂誰

意連而語不渾成

不渾成

七字欠回

末句欠鍊

此字不如重一漢字

勉強作偽

無不宜齋

某記題名沙侵石未爛橋

漁火不隔岸密繫柴籬根瓦罏爨荻葉濁酒分兒孫人

家值水缺連補成完村漁舟

芄桑一色鋪儻莽不知處凝光變須眉綠天迴殆庶下

有竊脂禽翻飛自來去桑林

桑土亦宜田當年未曾闢舍北頗閑曠一犁試芟柞雉

雉春雨餘顧盼好禾麥田

町畦縱復橫楸枰畫方罫天晴蚓竅啼風定蜺絲挂鄰

丈共忘機翦蔬約宵話菜圃

暗脉通遙泉湛此水花皎比屋動晨炊銅餅出未了輾

輾轉桐床驚起棲桐鳥井

笠影覆瀟灑四望碧陰開援琴坐石檻粘破新莓苔臨
風七弦寂美人來不來亭
市酒紅如血邨酒白如雪只道市酒濃不知邨酒潔竹
外一帘斜試與銜杯說酒店

茨簷碌碌塲小業著方賄晴絲曳長空衆星排磊磊居
然握經綸託術詎嫌猥綫塲

儵魚百千頭淥水四五尺蘋風吹澹沲烟草共一碧釣
魚人不來鷓鴣立釣石魚池

登樓開北檻對面皋亭山野淨寒木疎天淡孤雲閒此
中有真得獨坐怡妙顏遠山

吾愛村夫子敦學存本意不藉占巍科所在略識字狙

存本意三言虛設

弱句
第四不細
托意不佳遲詳不工

無不宜齋

卷一

二

記意不佳運辭不工

低子三句

起強了局

不細 語之太弱

旌字欠商

不稱格

第三句上下不渾成

無不宜齊

公調羣狙慢言莫輕戲塾

破殿雜筐籩古佛坐逼仄孤棲壞衲僧刀耕自食力無

才掉清機客來相對默僧舍

倒竹屈成籬籬光仍綠潤作折讓漁磯聯疎借木蔴固

藏隱者心野月漫閒進竹籬

參騰蘿葛秀卓立風雲高儼然一村霸氣勢矜雄豪瞻

衡作標識遠勝旌與旄喬木

冥冥風雨宵孤燈一杠揭熒光散空虛燦逾田燭設夜

闕歸人稀隔林自明滅天燈

寒原鷄犬靜幽響出蘿幄天晴孤枕明遠近聲曝曝懶

窳暗驚心起看河射角機聲

雨後晚歸訪吳西林隱君

過雨碧林下東臯踏屐歸餘涼倏如洗殘日不成暉夙
念青雲侶閒尋白板扉知君頻謝客爲我獨依依

石門道中

縑絲聲裡雨初晴滿路飛花客子行麴水一程通構李
翠屏幾摺到臨平片帆風急舟輕度側岸繩牽樹倒迎
忽見殘陽沙渚落陰陰桑柘接重城

縑絲行

春蠶老去愁無主寸腸宛轉絲千縷鼎湯初熟蟹珠繁
縑絲車上烟如雨一縷未斷一縷連一聲旣往一聲還
鎖星鼓動環繩轉幽牕軋軋吟新蟬綿延脆緒引未極

用詩有煙

若指已舟是使字下不應置
忽見二字

三字無著 如此說起少點取

縑字 既字是字病

綿延句弱極

無不宜齊

卷一

三

捨重舉輕 幸字是言病
鳴蟲曰弱極 細字是言
病

無人撤筋長太息。吳儂一月廢佳眠。養得蠶成幾金直。
臨晨剝繭赴繅盆。身炙手烹勤作力。收來幸得滿車絲。
鳴蟲又促挑燈織。可憐用盡細工夫。統絹何曾自光飾。
不見少年沉醉美人家。纏頭拋擲賤泥沙。

村中晚興

所居地幽寂。薄暮客來稀。一徑吠寒犬。數家鳴夕機。厨
烟補山翠。林篠暗柴扉。踢葉忽聞響。鄰翁散社歸。

橫塘

猪坊鴨舍二橋短長橋。斲出江鄉路不遥。記得往年曾
借問。白荷花外小停橈。

夜卧聞潮

空階白月當中宵。寒蛩四壁鳴蕭蕭。哇咬入耳細已甚。
轉令覓夢思英韶。天公解我胸次闊。特遣海若揚秋潮。
初時但作炊甌響。忽然號怒奔驚飈。千槌鼓擊萬虎嘯。
軒窗撼動心覓搖。我時披衣不得卧。寸腸展轉生憂焦。
連年江岸苦衝囓。瀕江田宇多傾漂。飛章上請泉府
發。痾瘵屢慮勞。天朝新塘創築亘百里。千夫日日疲
征徭。乘秋漲溢潮更猛。官立程限誰寬饒。但得魚龍一
睡穩。長波遠赴歸墟消。東鄰西舍各高枕。吾耳豈復嫌
清寥。

和戴問渠南樓晚眺集杜四首

天畔登樓眼幽襟。興激昂烟霜淒野日。雲水照方塘。映

率白漫句末是雜句

無不宜齋
畝孤城外柴門古道旁長歌意無極回首一茫茫
靜者心多妙巖然耳目開無人覺來往倚杖更徘徊落
景陰猶合歸林鳥卻回樓高欲愁思羌笛暮生哀
勝地初相引題詩好細論山虛風落石月掛客愁村野
樹侵江闊城陰帶水昏浮生看物變懷古意空存
遠色有諸嶺邀人晚興留秋風吹杖几落日在簾鈎天
地空搔首行藏獨倚樓眼前今古意庶與慰沉浮

赤岸村

山塘十里五里村落三家兩家野曠最宜踏月地閒儘
可栽花

雨夜發海寧訪俞祗文孝廉始乾明經

行人爭渡急渡口正黃昏出港寒烟靜鳴橈細雨繁菰
蒲平蟹岸燈火溼漁邨不負故人約扁舟繫郭門

龍神廟

貝闕珠宮耀海山瑤梁珊樹錦爛斑人間巧盡般倂手
只恐龍公視等閒

登占鰲塢

孤塢撐空表層楹洞達開盤蛇遵曲折攀鷓據崔嵬海
勢隨天闊濤聲撼地來六鰲蟠處近髣髴見鱗頤

海塘鐵牛

大禹鎮洪水鐵鑄殼鯨牛跨身河南北遺廟祀陝州咄
哉東海濱覩此神物畱誰爲舉鞭箠千里遙奔投要知

轉去無手法

八語皆雜湊

假若二句作偽以二句失次第
淺深

信託以貪事墮字率

二語以讀下文見病

第七才寤

信處無義

第七与嘘吸有嫌第八不合套
後末句門高二字要著

捍護策取法貴千秋作聖述者明先後同謨謀五行具
生尅斯理若可求土牲氣臨壓制水成安流蛟龍仗尺
木金旺勢自收狀獐威力逞質重光氣浮辛壬識年月
乳篆勺雕鏤文犀覺形猥掉尾隨潛蚪絕岸起如郭耕
作盈田疇假茲一牛力坐抵千鋤耰旄旗牧人夢衽席
登優游宴波永不溢圭臬通荒陬萬里黃支國納費朝
珠旒

偶步東園

列隧千重比戶饒閒身端合避浮囂桑畦遠隔人家小
菜甲平連雉堞遙東郭自來堪踏雪南湖好在復通橋
邑居仍作荒郊看林下何須杖策招

海門歌

海風浩浩吹海立嵯峨化作千石級東西對起兩角觶
朝時陽開暮陰翕江斐海童相出入浙流萬里日嘘吸
中傾建瓴箭馳急天然設險制巖邑龍門門高擬可及
集唐句書高唐賦後

為雲為雨楚襄王為雨為雲楚國亡雲雨今歸何處去
不堪回首望高唐

夕陽

春游意未歇日夕傍西崦虹腰彩氣連鴉背金影閃平
川樹無翳遠目看徐歛翻壁動鱗鱗隨帆去冉冉微黃
賸山額繪筆難渲染曝衣誰家樓人寂窓未掩歸路少

無不宜癯
徘徊暝色送青點

咏煙草

次句不落部伍

耕地栽瑤草能令四德俱崔林玉露載檳榔四德醉能使醒醒能使醉饑能使飽飽能使饑或即以評烟草

占肥同黍麥望影接菱蒲載採香何烈云黃葉已枯縛

箱通遠賈懸旆售通衢柿削堆初積絲分縷不麤輕柔

搓柳綫瑣碎落金麩蘭屑紛攪和蘇膏暗洽濡慕羶情

自切嗜炙性無殊費薄錢挑杖饒深唾漬盃細筒裁竹

箭夾袋製羅縵佩或隨鳴珙攜常倩小奴鏃金抽箇籥

律管實葭苧藉艾頻敲石攢灰尚撥爐乍疑伶秉籥復

效雁銜蘆墨飲三升盡烽騰一縷孤似矛驚燄發漢西域傳車師

王句姑家矛端生火如筆見花敷苦口成忠介焚心異鬱紆穢兼岑

黃薄二句晦澀

鏃金二句按不實

攢字欠商

墨飲二句太疎

苦口焚心俱太過

焦燥二句作倚 沈澀句不

成 以下改點俱有掠影

之辭

草亂吳越春秋越王病口臭令左右皆食岑草以亂其氣醉擬碧筩呼焦爍寧生渴咀含

漸得腴清禪叅鼻觀沈漉潤隴胡幻訝吞刀並張衡西京賦吞刀吐

火雲霧杳冥寒能舉口驅吐氣成火事見葛仙翁別傳餐霞方孰祕厭火國非誣

繞鬢霧徐結盪胸雲疊鋪積青凝斗室橫碧漾紗幪七

灼心除痰三熏胃滌汚含來思邈邈策去步于于款客

猶先茗澆書不待醪澀回嘗橄欖疫辟浸茱萸洱海諸

糧絀番禺蒟醬輸作騷多臄馥採藥早遺珠郭璞箋仍

缺嵇含狀莫摹滇南功獨奏閩右路羣趨種未周三甲

風先布八區景岳全書烟自萬歷時始出于閩廣間向以征滇之役師旅深入瘴地無不染病獨一營安然問其故則眾皆服烟由是徧傳

相思名旂旒俗稱相思草呵應語模糊田雯黔書黔人以食烟為呵應損益人憑說

辛芳爾不渝詩腸感巢育吟謝淡巴菰

言字何如某字

山中脈絡欠圓

無不宜齋

寄懷厂阿上人

慧業乘除筆硯功。莫將心地等頑空。平山堂上揮犀說，笑殺一羣獅子蟲。

立夏後五日薄暮驟雨即晴

墨雲鬻鬻西南來。狂龍挾勢驚奔雷。夕陽倉卒收不及，劃住半壁青天開。銀河倒瀉力士挽，林端咫尺諸峯遠。迎涼未擬掩書幃，蟬竦低掛桑榆晚。

桑椹

髻兒爭拾滿筠筐。萬顆仍堆陌上桑。紫玉碎雕肌綻粟，元珠新摘膜涵漿。爭差鶴頂楊梅潤，壓倒龍綃錦荔香。不道吳蠶知食葉，卻輸佳味與鳩嘗。

次句夢謂

三四費力

五六推不倫

臨平襍咏

蜀桐吳石悶聲靈。鳳翅高張一抹青。橫榜孰書同口字，夕陽飛燕滿空亭。

桐扣山西為鳳皇山俗云同口見周益公題跋夕陽飛燕子元釋明秀洗桐扣句

石函文啟兆亡吳。矯詔徒憐赤水污。轉怪後庭歌未歇，賣身先作佛家奴。

石函見三國吳志矯詔赤水見晉書桓元傳及水經注佛奴見南史陳後主紀

擲杖深山起籀龍。管城子並受斜封。騎驢獨自來深塢，不見當時野鶴踪。

咸淳臨安志安隱院地產曲竹唐印隱士丹成羽化植杖生此三四本顧通翁韋蘇州贈印詩

亭亭香堦闖空林。憑仗蒼駝巨力任。怪底浮雲遮不住，一尖常刺別離心。

老學庵筆記臨平山為駝形駝負重則行故作堦於臨平東坡詩一別臨平山上堦五年雲夢澤南州

菱花種出幾經年。竹色池光鬪碧鮮。翻盡茶經并泉品，僧寮誰試雪甌煎。

當年陸羽空收拾遺卻安平一片泉東坡詩今刻泉上

活意俱不佳

前二句汎作池沼景物應另

點甘冽等

翻盡二字不醒

蜀桐吳石似不應指其地
著語 聲重文細一掃青
呈遠山

無不宜齋

卷一

八

成字微者 勉法用六月二字

險在風波非峽灘 今臨平

市井頗不為俗 茅三白未

三字無謂

第二句首四字指北岸以三字
指南岸與疑

西湖歸道出東湖。七字詩成賞大蘇。六月臨平山下路。
更誰寫作藕花圖。
吳幾先論參寥詩五月非荷花盛時只云六月亦豈不
佳見放翁筆記宗婦曹夫人為參寥作臨平藕花圖見

朱昂續
駝駝說

古鼎湖傾瀉怒瀧。永和隄築駕雲杠。蕭條景物今何似。

水鳥時時下一雙。
許應龍永和隄記隄阻鼎湖白龍潭之險趙希
樞臨平詩市井蕭條景物非居人猶號永和隄

鎮上人家雁齒羅。前臨官道後官河。麥風梅雨新絲候。

雨漿迎來販客多。
成化杭州府志海寧與仁和上塘蠶絲臨平市
貿易為多二三用楊誠齋汪浮溪過臨平詩語

笕橋途中作

淺笠輕衫得自由。近郊閒趁晚晴遊。翠陰夾路忽成巷。
涼氣襲衣先報秋。園朶欲攀搖未定。井華待汲去仍留。
邨煙曖曖遙相引。幾處柴扉傍竹幽。

檻熊

熊絕有力亦日麕。托居深在芙蓉巖。輕能緣條猛拔樹。
捷足遠過銀蹄颿。獸權不使虎豹擅。况屬狐兔獾狼獾。
胡為鬱鬱困茲土。木索寸比周如函。低頭伏作乞食狀。
給肉迺令山僧監。大腹彭亨舌蚶蚶。微腥何足解貪饒。
從來尚力必至困。此理所在人禽咸。猩猩長啼萬萬笑。
各見五體遭屠剗。吾聞汝類螫蟲螫。涉冬往往藏空嵌。
胡不終若元豹隱。飲泉食果栖松杉。乃復當道露其醜。
使彼獵者驚僂僂。周施網罟牙爪廢。雙蹠幾致和酸醜。
生居牢籠尚汝幸。豈必溼我江州衫。世間良物多受制。
言鳥戢翼馬投銜。

觀字勉就韻而已 蘇推
二句亦發明

微腥白弱乃

用施二句為使事此當

豈必白齋詩

結處與前論有類

九秋咏和家曉江大兄

閬闔西南至。遙驚萬里秋。刁調林襍語。飄忽葉長流。帶
 響搜空穴。齋涼入小樓。年華吹漸去。愁絕客淹留。秋風
 秋至分明見。橫空白練痕。迢迢通海脈。宛宛界星垣。洗
 甲餘波挽。旋輿倒影翻。仙查不借便。誰與遯真源。秋河
 蕭雲晴不定。斂色變迷漫。滅景催成晚。蔭空停作寒。窻
 非遮樹黑。天要護霜乾。樓上人搔首。戎戎醉眼看。秋陰
 天標氣掣歛。不雨自冥冥。秀竹吐寒白。積虛凝暮青。神
 工經幾洗。畫筆許誰形。淡極猶生艷。閑花開滿庭。秋色
 風林除碧障。萬里景澄鮮。點染惟容月。裴裊始認天。高
 樓思不盡。獨鳥去無邊。宇宙自軒豁。人生何踟躕。秋空

旋與句晦澁

周意琢詞太出筋骨

我之醉眼却是春陰

首句不入近體

酸鹹太過及不可口且與

下秋空無辨

修傷斧痕 唯高收

妙凡愛欲窮其妙愈

求而愈不得

參春句不成

陡澗從空劈。雙厓壓路深。泉高晴噴雨。蘿密晝藏陰。古
 樹經千歲。清猿時一吟。懸知龍蟄處。未敢久登臨。秋礪
 關心河畔草。極目水邊洲。白露年年節。斜陽處處愁。啼
 蛄弔幽夜。牧馬散高秋。欲起霧均語。芳踪何處求。秋草
 腹瘦已如此。胡爲怨滿腔。參春勺漏滴。酸耳到鐘撞。破
 壁斜穿月。孤衾淡照釭。草頭應露重。移響入幽窗。秋蛩
 何人信高潔。徒爾愛孤鳴。秋杪不知歇。夕陽無限情。殘
 音移樹遠。微思入霜清。我亦蘇門客。臨風嘯一聲。秋蟬

和戴問渠許滄溟兩處士重九前三日登吳山

韵

吳山秋淨轉崔嵬。二客爭傳眺遠回。賞節不拘重九日。

爭傳久細

登高應上大觀臺。長江潮擁鷗沙落。遠嶠雲連鳳翼開。
醉倚石闌看不厭。夕陰亭外雁聲來。

題畫冊

日落晴川空。隔波烟樹遠。家在板橋東。抱楫歸來晚。

偕吳西林沈立人過沈翁宅看菊

節物驚心屢自牽。迢遙石徑埜林邊。碧山小約日多阻。
紫艷繁開秋可憐。便欲偕花永今夕。誰能稱此賦當筵。
孤芳莫嘆時遲暮。翠杓綠尊逢少年。

寒枝香遍我初來。白板雙扉傍水開。北郭此時堪照眼。
西風何處更登臺。愛傳繁品能干朶。可有餘情戀一杯。
但使百年多暇日。荒籬隙地儘栽培。

碧山有相定則可

結句澹弱不中

首句似梅花

登臺句有故實則可
可有句滑了去
結處聊復了事

江口望隔岸越山

曠懷臨清江。一洗塵目暗。渚影辨空濛。潮光瀉瀏濫。青
鬟何婉孌。凭流下窺瞰。仙裙疊皺多。畫筆描痕淡。盈盈
水一方。接就想能暫。試因五兩風。自解百尺纜。

將之京示別同學諸子

離別雖可悲。傷悲亦有因。男兒恃意氣。高舉奮薄身。時
哉或我與。立據要路津。蠲腸謝齷齪。驤首忘苦辛。帳飲
東郊外。百里瞻行塵。賓朋遠相送。一叙平生親。會當別
斯須。茗茗若參辰。褻裒豈無意。恐令氣不振。誰贈繞朝
策。看予朝玉晨。

少年輕遠遊。祇令識者鄙。寸心懷區區。安知所言哆。風

二語不渾成

未語氣不舒

第四運古未穩

結語叶字

無不宜齊
霜行路難。煩言噴子耳。未嘗違戶庭。何欲眇千里。磊落四方志。生小祝弧矢。不奮鉛刀用。終引匏瓜耻。悁脰睎長雲。皇都一何綺。竭志放情願。衢路從此始。龍蠖異所抱。公等自掃軌。

舟中別許聖裁

判袂鄉關上客船。含情且復暫留連。山川爲我廣聞見。鞭策憑誰較後先。折柳故人來幾輩。把杯深夜想當年。夕陽樓下匆匆影。舊路遙看子獨旋。

溪行雜占

三分橋北筓徐收。影落青篷曲折流。一帶人家小平遠。春山春樹滿船頭。

遠道二字能看故宜之短
無看第三有故宜則可

連波碧草黯離覓。遠道纔過新市村。欲就涵山訴憔悴。水烟濛漠又黃昏。

鞋樣船兒畫彩新。玉篙撐去採蘋人。別灣窈窕通何處。

淶水桃花灑灑春。

落梅風峭瘦春枝。竟夕濃愁鬢欲絲。想得朱樓寒不到。倚闌猶弄玉參差。

虎叩

山塘之下紅畫船。山塘之上羅管弦。春池大鑿闕倩影。石壤高張排野筵。玉鳧扁諸亦安在。青驄油壁徒紛然。旅人坐嘯脫佩劍。蒼茫虎氣猶騰天。

無錫

本句有故字則可

本句二句與長作四句露冷
竹三狀

從語眼下置語何如此
相

此處不應下醫字

病在爭字 四字不鍊

又後一句

又後一句 又推可

垂雲一語尤不倫類 雖有

故實是湊補不是驅使

趨避則不鍊 若貪用

戈鐔字而贅此句 交字

未安 餘與四字無謂

吸精句不鍊

瓊蟬句更有閑錢補不

辭也更多一句自作師娘

自跳神也 不直得用機

舟子二句不鍊淨 小言句

無着 胸羅句不鍊

繞郭春流滿。征橈去不停。參差晉陵樹。岩巒惠山亭。曾
步添沙出。糟床接路聽。緬懷泉上客。盥洒足罌餅。

京口待渡登岸眺揚子江

生小跼步循書龕。書林寢食如銀蟬。每念江山最勝處
輒思一飽酬婪酣。揚州巨浸環江三。上游控勢雄東南。
鄉臯溯游一水地。遠遊興始今年耽。首途喜得夙願副。
塵眼一豁心俱甘。盈空浩氣自泓涵。遙亘匹練奔吳驂。
江豚匿影風不歇。掀波拍岸愁崩坍。瞥眼倒拔青瑤簪。
水心巖豎爭消湔。撐扶菌質下無地。不識天匠奚雕鑿。
沉鐵萬古蛟龍潭。險惡水性誰能諳。運渦噴沫雨倒灑。
半巖花雨交氤氳。溟濛遠目恣所貪。直欲乘躋窮瓊儋。

垂雲健翼微如鷁。擊珠伏影蠕如蠶。日浴如萍樹如薺。
葭蒲如髮披鬢鬢。徐沿詰曲行趁趨。反景安得長戈鐔。
層陰萬里雲交曩。山光水色齊吞含。餘興未洽心轉慙。
孤蟾張眼遙峯探。豁若寶鏡開重函。照徹下上明烟嵐。
倒天作底沉蔚藍。漁商寂靜無咕喃。吸精水物羣朝參。
瓊蟬鬪光頰螿躍。浮游神蜈舒洪蚶。更多不識心懷慙。
擬將詭詭詢僑鄰。攬身登舟夜將半。舟子具酒輸瓶甌。
快觀聊助深杯談。小言獨自誇詹詹。胸羅溟渤此際事。
倚歌屬和何人堪。

儀真

瓜浦春潮落。連踪繫水隈。沙邊鼓小市。樹頂轟高桅。快

雨波神過癡雲颺母來長年江口望只許石帆開

紗帽洲守風

明朝準擬跨鞍征作客真難早計程舟人以預量程期為戒多得江村一日住安知不是石尤情

浦子市舍舟騎行晚過烏衣鎮作

驢券書三紙駝山記首程自浦子市十里為駝山嶺風塵拚飽歷羈勒就孤征土銜人烟少氈裘客隊并終朝逢亥市石滑更難行

次滁州瑯琊山下

春空四無雲日出盡遠勢望望瑯琊山馬首滴濃翠垂鞭度荒城望中境已至迢迢往路長為佳且少愁羣峯

展列屏一水落寒穗幽禽叫相應雜花開無次風流憶賢守闢地饒清致名亭路尚紆未遂探古志刻竹記興懷吾將預同醉郤掃編政和中唐恪守滁亦作亭山間名曰同醉

上磨盤嶺

侵曉清流關望此等培塿竭來山程行自午直至西盤旋石轍深九折到谷口舊名徵大槍轉易固非偶貝清江集作大嶺饑馬疲不前跼跼凍蟻走山靈轉詫人石狀呈怪醜坦懷無崎嶇壯志尚抖擻搖曳眼中青風帘喚沽酒

臨淮

桐栢水湯湯奔趨到鳳陽逍遙空隱吏草昧起真王今古一夢境江淮百戰場持鞍當落日寂寞渡浮梁

宜書旃字依史本

不醒

首末四語俱無詞合

次句不入
五六乃酒醞也

無不宜齋

徐州

漠漠平原舊楚郊。高卑形勢鬱盤坳。羣峯北去荆塗接。濁浪東來汴泗交。千古憤王畱血食。五更霸氣出林梢。太平時不忘爭戰。月落嚴樓戍鼓敲。

曉發滕縣

匆匆旅宿先鴉起。敲鞭直走二十里。數望東光不肯明。殘月殘星墮遙水。馬頭續夢夢思淺。戍壁畫人驚睡眼。槐眉列道見模糊。名蹟愁從暗中遣。有木勝題滕文公行井田處長風浩浩烟漫漫。平沙遠草征蹄寬。郊圻曠闊有如此。分田畫井夫何難。

楊柳

議論稍詳

不必用飼字

飼馬摘垂楊。垂楊古道旁。枝枝清露滴。葉葉春風香。遊子意何爲。流鶯語更長。濃陰遮我眼。無處望江鄉。

恩縣四女祠

是否嬋娟屬宋家。田山薑云唐之宋廷芬女綠楊枯盡叫慈鴉。蓬蓬十丈騾灰裏。枳落猶開姊妹花。

趙北口

燕陲不可識。一片水迢迢。事去悲歌在。時和景物饒。波心閑白舫。柳色麗紅橋。信美皆如此。誰嫌北夢遙。

盧溝橋

泅泅桑乾水。別派流黃盧。長橋亘單跨。老柳欹半剝。蟾姿媚曉景。表勝明昌初。我來不及時。惆悵日西晡。芳踪

第七句類

單字當商

無不宜齋

卷一

左

不信以下六句處方

春字作惡字即免病 第三
太清茅四吃

軟紅句當換意

閒字弱添字意

揮字剛且

憶元代雅集詩傳蒲河千元有苻氏雅集亭見蒲道元詩酒亭或未圯庶慰行客

孤興懷林外望疆礫盈蒿塗不信開熱場風景亦已殊

揮鞭且勿愁咫尺 皇城隅脫驂養筋骨卧遊堪自悞

餅中芍藥和俞槐谷舍人

長安三月不見春春風處處吹埃塵倏忽已傳花事了

卻畱婪尾償鮮新豐臺地僻南門外土人種花如種菜

連畦接畛望無邊縹繡真成萬花會城中花市擁價高

花前錯落金錯刀朝開幕翦不得惜日移萬本隨擔挑

我方欲作豐臺賞軟紅蓬勃廢幽往賣花聲過市梢來

有脚陽春如就訪膽瓶閒檢定州瓷活水新添插數枝

深紅淺白巧相間石屏竹几輝參差良書獨擁簾晝垂

濛、隨手 穿樞句欠煉

隨字稍浮

結處精神氣韻

此處不宜廣字 首句之濛

花氣濛濛撲面吹微參鼻觀可終日穿樞不許狂蜂窺
昔聞花性隨風土廣陵名重三家譜如何冀北花更繁
翻令江南不足數燈前相對倍關情同自江南達畿輔
玉堂堦下好追尋莫忘此日衡門侶

暑月買冰偶成斷句

舌本回甘漱玉津堂廉清絕散炎塵何當買取盈千擔
徧給長安內熱人

方鏡和杭堇浦編修韵

揚子新傳百鍊方裁量月魄剪星芒別開生面矜標格
羞逐時趨掠景光雪冷元珪畱素曜波含文玉折回塘
範形端楷誠心鑑不用書銘座右張

依希彷彿冠強支離崎
嶇嶺路中安得範我馳
驅卒暮之軍號令不

應減不知其佳也

鑿無平聲宜考

無不宜齊

從來應物譽無方，圭角稜稜露寶芒。巧截寒機攢鳳采，明齊止水侍龍光。上用賈島方鏡詩，下用江總方鏡銘。玉田常映三秋月，雲葉

難遮半畝塘。到處方頭容未得，晨窗拂拭試窺張。

古篆斑鏤揣尚方，耑旁矩折走寒芒。撫成大地縱橫體，鑿透青天咫尺光。判色遠勝棋子局，顧名全合鑑湖塘。背龍漫作回盤勢，鱗甲看猶片片張。

南金價重立身方，俗客相看背負芒。素號辟邪緣守正，獨持真鑿肯和光。雲屏對拱雙排座，菱沼新開四築塘。徑寸靈犀吾不昧，清宵常並玉臺張。

誰學員通笑大方，開奩相對轉芒芒。崢嶸頭角增殊相，整肅衣冠任葆光。江鯉剖時疑得簡，山鷄舞處誤窺塘。

已防至察無徒與，漫逞剛鋒太拍張。

精瑩巧覆射東方，啟對還生別樣芒。金地甄磨騰朗照，

玉壺島近涌奇光。拂塵端拱依雙袖，汲水新磨勒一塘。

好是容成新建國，封疆常整四維張。

鑿理應知貴直方，窺顏端肯漏豪芒。演排洛數龜承紐，

採鍊秋行矩就光。淮南子秋為矩。尺幅迴懸高閣畫，一窗橫列遠

山塘。世間多有摩稜手，珍掩流蘇莫易張。

漫言柄鑿措乖方，周匝何曾洩孔芒。螭首愈呈端正貌，

仙瞳並展刮摩光。明珠照乘輝盈軫，淨練分犀綫劃塘。

倦客更希輪有角，學他鑪冶事更張。

龜龍爵虎各依方，絳氣時時碧芒好。自中央周四角，

鑿字宜考

無不宜齋

宛呈八面鬪重光鋪金不愛維摩室暈綠還成謝客塘
憑向咸陽宮卓立一生心膽自恢張

菱彩還隨四照方開時原不逐句芒庾信咏鏡花
開不逐春八义手

欲摩斜勢三反隅皆合耿光鳩鳥運瞳窺曲檻鮒魚潛

跡湛空塘方目其名鳩見禽經鮒魚
身正方如印見文選注破觚羣作趨圓客端賴良

工費主張

尋刺梅園卧龍松不得

刺梅園古松年已數百後矯作卧龍形髻鬣日騰茂噪
名昔有聞詭狀猶未覲長安賢地主一一為予究此松
本連抱臚直過頸脰隨度曲尺勢偃卧周廣袤榦走幾
窵抑枝撐各癭瘦昂蓋青蒙葺瞥起爭雲構下可羅四

作字何如重一矯字
騰茂
之相裁時文中方相也

茸

推

筵上乃蔽列宿涼飈四搜貫爪甲忽自鬪笙竽合鐘磬

響作伶倫奏躩踞見領動斑駁粲鱗皴蒼苔蝕古花人

工點錯繡層陰的的下空翠染不就銳加雷雨催寒歷

冰霜鏤嘗疑造物意縱巧弄神秀我聞豨轂來宿願蘄

必副烟塵布廣術望眼生矇瞶草色辨徑微周取往而

復靈虬見客驚奔吠入潛竇脂香遍狼籍土撥亂翻覆

只疑龍躍飛博敞存虛囿天生物因材栽者胡頓仆精

靈髯叟窵霆電失呵祐摧戕定斤斧圻裂豈柴樵莊生

亦有言山木多自寇雕鐫苦檀杏採剥寒梨柚桐爨栢

為梁何如社櫟壽否泰共天地陰陽各昏晝物理固如

此來新去者舊陳迹難討論俗物堪恕宥予于沿歸途

無不宜齋

當頭白月殼遠目接平林蒼然列西岫

寄懷吳西林用厲樊榭徵君過西林郊居韻

端坐感離索青青憶子衿傳來多勝事雅處結同心絃

外聞秋肅原詩言聽西林鼓瑟吟邊任髮侵往從不可得江水爲子

深

杭堇浦招吳中林通守于鶴泉齊次風沈晚叔

三翰林胡穉威周元木兩徵士蔣用安上舍周

心羅明經飲丁香樹下分賦得大字

冷官宅第珉城外春關獨闢饒閒媿周簷素壁淨垣衣

映階碧草橫書帶東風昨夜聞履絢一任花司弄狡獪

丁香乘會奮駢英光色恢張明紫貝珠璫亂垂碎抵砢

次司賞力

宮商未諧聲技多溢也

奏雖呈白雪陽春難娛衆

耳

鞢麻細紘精逾鵠紛懸晉佩影湘川乍舒眉結迷下蔡

明陽落檻照的皪微風入簾巖醜醜高陽舊侶各稱傳

暮情遙結憐春靄青鞋不速幾人來落落遽成真率會

我聞有此高興發振衣起舞聲絳繚御街東西步可

到健足不假鸞鈴鑷排闥入座主不麾舉瓊對花時未

艾熱酒澆腸露角芒穠春到眼除肺昧諸公名價倍龍

門環顧獨我沈涓澮尊前共泯流俗見胡肯局脊自駟

僧長揮連袖激清風競騁雄談瀉驚瀨徵評或出半嘲

諷寵賞不辭三沃酹掀冠露頂醉雜沓抽筵匝樹行賴

踞大戶漫逞長鯨吸矮紙尚檢精金汰頗念家園風景

稠數里何曾斷絺繪篙師直賤青油船鼎娥技妙銀絲

無不宜齋

卷一

七

無不...
鱸朝朝挈榼問湖濬處處連裾覓酒旆一自擔囊走京
雒誰憐拂扇多埃盞煩思蝟集難翦排隙光駒過邨聊
賴蒙頭踏壁強高眠坐此但速成老大快君鱗翼得攀
從顧茲膏馥猶沾丐愁顏一共花解脣春來僅數斯遊
最人生遇合古所難况逢麗澤各和兌花下當成秉燭
遊主人有酒幸多賚臨風惆悵正無言花氣閭閻參鼻
鱸

送二弟南歸

去年三月並轡來燕都我畱西壁爾東隅望衡對宇尚
嫌闊翻然襍被來從予寒宵爭戀短檠燄醉或欹枕狂
訶呼此身渾忘在異地骨月未肯違斯須今年忽又直

詩句欠鍊

三月柳綿漠漠吹官衢我如蠶繭自裹縛側身南望長
嗟吁輸爾奮翼先南圖鞭絲塵鞅揮珊瑚歸情別况殊
飴茶眼中卻笑同來吾歸飛不得仍相俱攀條送別東
道主人事胡爲身自作客猶區區

歲甲寅天台齊次風翰林讀書之室生竹一莖
兩岐枝枝相對節節相當是年堂上兩尊人六
十齊壽而翰林適應大科之徵山陰胡穉威倡
爲祥竹詩屬予和韻

扶筓兩兩疊成雲接葉交枝翠尾分抱節豈因誇獨立
駢頭原是愛同羣山中顯秩饒千戶林下清風並五君
向曉碧簾高卷處鈿竿作對綠霜文

四首俱李強

無不宜齋

欣覩珍條萬口喧林於千个繞曹源曹源講舍翰林讀書所管和嶰

谷真仙籟葉醞宜城稱壽尊練實已成交舞鳳錦棚又

脫漸盈孫葛陂湯羨雌雄化昨夜春雷起舊根

仗引階前擁蓋深鳳梢簇簇綴華簪凌空不讓千條玉

列貢曾偕三品金露潤粉香晴染手雨添風葉夜畱禽

嬋娟久憶東南美日暮天寒倚翠襟

虚心自晦簷簷質震出俄驚十倍才詞賦祗今稱兔苑

招延從此築金臺故園不乏平安報僻徑都隨嘯咏開

虵祖年年扶老望一枝卻稱倚雲栽

題阮生畫蘆雁

幽棲曾寄曲江頭水閣三間俯釣洲一帶蘆花幾羣雁

年年詩思不禁秋

畫本從翻牡蠣窻襍襍毛羽散秋江就中合有閒身共

獨速青蓑倚釣艖

載雪低叢一丈深圓沙拍拍赴幽尋水鄉風物江南景

縱極蒼涼也繫心

重陽前六日葉書山庶常俞爾謙舍人金以寧

典簿盧賓王比部吳鄭公庶常姚舜馨孝廉金

質夫庶常姚南青孝廉申及甫徵士王峩山舍

人湯莘來吏部王璞完進士錢相人編修家峙

文叔曉江兄燕集陶然亭

來經多寶地靜較退思岳秋色他鄉早清遊我輩杕軟

全并句有析

塵宜蠟屐薄冷換蕉衫。敝屋軒窗淨。遺碑歲月剗合并
酬晦雨嗜好共酸醜。占席陶兼謝。趨林籍附咸雅歌猶
次第苛禮盡夷芟。薄費錢挑杖。淳風木作械。囊萸循故
事。煮茗解清饑。稻蟹輸匡膩。霜橙記手摻。梵林容暫放
觴政許誰監。撫檻青連目。題垣白勝城。遙峯沉沉瀝廣
陌。被穠穉。雁影書開畫。泉光鏡脫函。碣蘆人盡沒。山果
鳥爭鵲。滅響聞魚鼓。移陰入檜杉。南雲窮壙垠。西嶺隔
嶄巖。節序方催老。登臨更觸凡。昔遊餘破帽。生計舍長
鏡。障堪徒揮扇。揚濤未挂帆。菊英持晚艷。兔穎脫秋毫。
魚噉羞同隊。鷗盟喜至誠。當筵猶別恨。策馬又驚颿。時
吏部王進士家川陸三千杳音書。一尺緘。此身真梗泛。後會

想車輶。偃仰思無極。蹉跎髻尚髡。狂吟各沉醉。歡語詎
詰誦。遠岫昏鴉接。疎林落照銜。寒花分採摘。歸騎兢鞍
鞞。雅會誰相繼。龍山一壁巉。

羣鴉行

江南惡鴉江北否。得以安爾室家給。爾口索飽常分野
鶴糧。就煖亦隨陽。雁首我居儻。近城南偏秋冬之際。聽
爾去復還。朝來體嬾尚堅卧。飛過但覺耳畔鳴。風泉日
暮仍然接。歸翼仰面貪看數不得。漫天歷亂幾千羣。約
畧每羣盈萬億。最後還疑暝雲墮。頓使軒窗遮一黑。我
聞石首秋化鳧。蓋墊輒同暴雨驅。又聞關西突厥雀。連
羣結隊徧沙漠。由來百物各成類。居則連巢出連翅。保

次句勉強

漫天二句可刪 最後一字
甚穉不可不改

於此不合生感慨感慨

活又不慍目眩屏無力
僅行而已

通篇用字久輕重後急

桐字久穩

劑時有去則可

聚團樂族轉繁同林義在不輕棄嗚呼我生豈無麋鹿
儔天涯地角兩處徒悠悠

和鄭筠谷侍讀咏綿簾石炭

祇恐驚風入難嫌皓月遮密同花戶設蕪獻詞話京師冬月既以紙糊窗格用琉璃畫

片嵌之此歐陽楚公詞所云花戶油窗也寒使妓衣加銀蒜何增重香塵不受斜

雙釘垂鎮日閒煞玉鴉叉

碎鑿房山骨家家抵麤桐出爐銅鎚熱和水粃盆紅戒

漫筆石炭俗稱水和炭耐久殊茅草消寒黜馬通齋堂畫眉石爭及

劑時功宛平齋堂村出畫眉石見明一統志

金約甫以寶坻銀魚見餉

蛤山山下波銀色密網牽來二寸魚徧體瑩冰睛點漆

江鄉風物憶王餘

故人珍重餉嘉肴入手親開綠箬包糝附油蒸殊鹵芥

食經湯法試南庖

無不宜齋未定稟

卷二

仁和翟灝晴江

馬思山員外示以西山紀遊詩因憶去年亦曾有約未踐卽用其酬桑水部韻

蕭居賃城隅。開窗接林壑。咫尺願有違。羨彼僧伽託。折簡已成虛。賸此興旁薄。誰歟三日遊。先我一鞭著。篆路繞香尋。雲峰振衣作。清響落天來。一一嘹風鶴。了經指掌傳。坐惜攜琴約。掩卷復西笑。孤懷詣碧落。

花窖歌

司花天女帝所差。二十四信相推排。甲乙次同蕊榜定。篆名一一懸瓊牌。產性更聞異南北。不獨櫛櫛難踰淮。

何來花匠弄狡獪。忍使正氣翻成乖。漕艘偷裝驛兢遞。五方雜卉分移皆。頑冬天氣地圻裂。脆質定擬成枯荑。伊人養花巧方法。獨闢煖地營茅齋。鑿坎或深四五尺。周遭瑾塞枯禾稽。入室乃類馬遷閉。荷鋪復抵劉伶埋。微難蘊火續晝夜。頓覺氣候殊陰霾。上已以前上元後。一時攜出長安街。丁香解省桃頰面。行分十二羅金釵。誰歟得效蘓屬國。強逼不受心如錯。品高聊任傲霜質。幻飾未肯隨優俳。凡秋花皆不能烘上二語。借用蘓建傳鑿地置火車。其餘晚艷各爭吐。紛然竄入春風儕。俗眼但知希物貴。饞涎往往濡同蝸。纏腰不惜破萬貫。壓軸尙擬裝連輦。我生亦有判花癖。對此且復雙眼揩。枝枝廉察費矯枉。人巧孰與天工偕。

精神發越已頓盡。火氣中入傷形骸。正如娉婷惜早嫁。瓜期未及紅粉娃。又如鞭箠施急迫。一逸乃斃犁耜駟。花靈丁此亦太苦。豈屬有意矜顏佳。都家少年強解事。深紅淺白交編挨。愛玩祇得目前好。經年委棄同茅柴。唐宮昔有催花術。獨擊羯鼓停繁哇。頃刻幻開殷七七。杜鵑花敵西風颯。神奇特擅千古話。煉彩手欲追皇媧。胡爲後世昧師法。勉強不使花情諧。官園種菜或覆廡。惟時已職生厲階。卓識猶傳名少府。不時者黜垂模楷。帝京春事况不寂。百花陀立雙晴厓。日下舊聞百花陀雙厓一澗上下皆花村人多有不知其名者。豐臺芍藥簇繡譜。玉河楊柳垂青緡。到眼俱呈自然趣。次第足趁櫻毛鞋。陽春所名烟景闊。取之無禁探。

無涯得意不在馬蹄疾行歌日日春盈懷

喜晴

被池夜釋厭厭氣簾額朝通靄靄光縱使少花兼少酒
難將天色視尋常

送家兄歸里

落日照金臺倦客有嘆聲昔年兩嫖戀足不違戶庭中
間一杯酒隔斷三千程三千我尚從骨月他鄉并傷彼
水中梗本是同根生離踪忽復聚春風催南行聚此竟
何得黃塵滿衣纓迹殊莊舄顯懷土亦同情悠悠歸路
長蕭蕭征馬鳴去住轉相易我意其難寧

相送出郭門仰望白雲表思我堂上人轉顧成衰老操
持重家督况迺羣季小白髮躬煩勞疇爲伺昏曉江南
走馬歸決計已非早輕風吹柳條依依接官道雁翅臨
當乖我心詎不憐且忍別離苦念此腆養好君子審所
重牽衣亦徒擾

移榻

本是鴻留爪還同燕定巢明窻開牡蠣空壁竄蠨蛸金
盡探初覺書殘檢欲拋更須愁屋漏新把幾重茅
坑寢殊風俗吾猶任所宜掃塵除鬪蟻補足易支龜坐
卧今宵穩琴尊到處隨東西頭老屋不費草堂貲
兩年踏壁卧偏爾最相親穿處頻當膝移來宛避人清
仍懸紙帳軟但欠花茵客至多縫掖梁空不厭貧

無不宜齊
位置粗相稱。翻教怨莫堪。寄居常附蛄。眠思欲過蠶。聽
雨人初散。攤書子未諳。卧遊如可學。乘夢到江南。

落葉

蕭條景物綠初稀。露盡江邨白板扉。遠水亂捎舟影小。
寒山欲上路痕微。酒情自檢從今病。醉鄉記飲流謂
睡者為病葉旅夢難

隨到處飛。底事長安瘦。署客閒。嗟苦愛不知歸。

流光一絕。鎮相憐。

傅元詩落葉隨風
摧一絕如流光

菸菑隨消樹樹。烟庭院

陰濃纔往日。心情搖落。又經年。登山遠客逢寒雁。過雨

空林歇暮蟬。莫便臨風奏高曲。蕭蕭黃影正無邊。

斷角清砧一樣愁。烟霏水潦自成秋。停車客坐風吹鬢。

沾酒人來月在頭。顧影可憐同瘦質。漫空又捲入高樓。

故園尚有凌寒竹。記得芳尊綠葉浮。

歸期尚值路迢迢。衰瘠徒驚鬢影飄。

歸人值落葉落葉
驚衰鬢皆唐人句

桃葉

渡頭人不見。洞庭湖上水難消。蕭閒古寺停秋磬。寥落

長坡唱晚樵。踪跡幾年行未到。清霜白過舊溪橋。

幾飄驢背落銅街。纔入秋時便愴懷。苦憶鶯聲成往事。

暫依蓬跡去天涯。蝶黃可更來千隊。苔綠無端共一階。

解事平頭勤拾取。粗供茶竈餉清齋。

曲寫哀蟬韻玉琴。霏霏黃雨自盈林。夢雲老鶴移巢徧。

入草涼蛩覆綠深。梧井露殘迷曉跡。楓江水冷助秋吟。

朝朝碧幃愁吾眼。一望鄉關快此臨。

裊裊蟲絲罥帽斜。厨烟青翠護山家。何人更解吟枯樹。

無不宜齋
昔日曾來送落花。小閣似聽經夜雨。寒林宜帶數行鴉。
倪迂畫筆真蕭澹。好向西風駐短車。

已見梧桐一擲驚。白楊今又嘆蕪城。閉門卧後階難掃。
散社歸來屐有聲。野岸無人秋水闊。天街到處夕陽明。
江南黃葉村猶在。不獨蓴鱸繫遠情。

鄭筠谷侍讀足疾假歸詩以送之

先生大經儒。請得質經旨。如何天之衢。忽乃良其趾。視
履已考祥。鼎顛實無否。豈惟歸妹占。征吉跛能履。天山
慕嘉遯。此意吾粗揣。咸拇利安居。艮腓重時止。初九不
出戶。久試甘節美。鄭自夏初病足杜門者已數月係遯終疾憊。執遂黃牛抵
嚮晦入宴息。隨時大君子。譬彼成功退。成終并成始。巽

伏且東南足。蹇利在是。无妄藥何爲。損疾適有喜。蹇往
而譽來。大亨養仍以。似此見幾作。神明但存已。不待形
下索紛若。用巫史身安。德愈崇。寧計睽象倚。吾蒙更誰
求。歎惜羝羊比。

咏花糖三首和汪西顥徵士

小摘方憐嫩蕊殘。忍將零艷委霜寒。回春賴有團花印。
範出依然朵朵看。

釧聲搖戛夜窻春。慎取花瓷上蠟封。採得百花甜口腹。
細腰人亦等游蜂。

充糒瑤蕊屑層城。餐菊猶聞碎落英。略遣投甘從世尚。
不教况味太孤清。

集杭堇浦新居分咏金瀾酒

玉為膏。珠為汁。不抵金漿滿湖挹。三人莫欠明月邀。一
 川須作長鯨吸。先朝法酒賢聖稱。銀餅賜出雙龍升。封
 開黃紙香散席。洞庭波溢琉璃澄。此美百年能幾遇。麴
 生懶向青州住。灑海杯乾滄變速。吸江口在潮來暮。擁
 絮開爐今夕偶。寒燈照棧不辭手。醉倒曹騰百不知。金
 運消亡說何有。周麟之海陵集云金瀾者金運其將闌也明朝酒復仗君沽。澆書
 不定金瀾需。但視門闌喜氣殊。尙得雨露傳 宮壺

次韻金質夫過飲

得馬亡羊事莫關。且從杯底借紅顏。客窗祇仗友生樂
 塵海尙餘吾輩閒。喜誌燈花垂眼纈。寒侵人影出肩山。

湖字存商

三句舊裁字在

泥海句最奇

送書同雅

貧厨酒盡言無盡。脫略何須狂語刪。

湯婆子聯句

湯媪范錫成。戴廷熺。綸掌利用異鼎鑊。質符坤永貞。汪
 沈西顥名。媿巽初。索皤然。腹彭亨。金文淳。質夫宛爾肩
 戍削竅。上犀口。緘晴江。砥下夔。足斫旁。無獸環。垂綸掌
 頂有螺髻。著混沌。失耆蛾。西顥允。澤謝面。藥居下。適陰
 義質夫。為燠協。時若外。礪金性。堅晴江。內涵水。德弱朔
 氣戒頑冬。綸掌霜。信入重幕。獨客寡。所依西顥。單棲每
 不樂。悽劇號寒蟲。質夫凍。憐警露鶴。宵長鷺。足拳晴江
 夢短蝶羽。却駮疥。忽到踵。綸掌盪。戾漸如。斲朴朔。煖莫
 邀西顥。辟邪香。易鑠愛。茲廓能容質。夫昵汝。重可託。飲

無不宜齋集
以百沸泉晴江裹以千絲橐熨體同衾裯綸掌橫陳附
履屨相傍何蘊隆西顥相俛免焦灼微陽欲透繭質夫
奇溫匪隔膜美睡勝蒙頭晴江沉酣抵軟脚婦姑戡勃
谿綸掌法喜伴恬漠客遠昵枕嫌西顥兒防踏被惡轉
側便醉鄉質夫挹注授僮約老忘燕玉需晴江遠任驪
泉涸溫柔縱難兼綸掌貞靜已能畧鉛淚制不流西顥
金銘擬無忤欵傾伏本盈質夫缺窳慮在薄紈扇遭棄
捐晴江竹奴悲冷落策勲薦牀牀綸掌怙寵戒莫莫三
沐三巽纔西顥一詠一觴各蟄戶快合并質夫炙硯供
笑噓聯吟繼前修晴江涪翁斐然作綸掌

家書至述杭兒近狀寄內四首

別尙呱呱泣踉蹌又越門食牛餘猛氣跨竈得傳言好
譽成予癖能慈仗爾恩養兒同養術所貴葆真元
怎降黃犢健欄楯費周遮梨栗搜當與之無識便嘉聰
明觀踔跳歡喜任啞啞但爾支持久誰憐病體加時內子病
艱難逢一索愛視掌中珠斷乳休辭媪祈星莫信巫性
情防是縱衣食檢寧麤更問明年狀村師可就無
人意何從慰徒教屢過庭膝虛愧懷祖面垢想添丁見
尙疑生客歸須換弱齡燈前尙閒話爲說我容形

寒夜與吳中林通守沈畹叔編修查蓮坡孝廉

汪西顥徵士陳江臬上舍陸賓之庶常集杭堇
浦無畏室通守首作禪語分韻繼之

只此言真意何乃對
夫人通文無肉胸次

首三句不清

絕韻魁極

大小句起法

勝字必要改

罔顧句方 佳句句假

宗彼以下詳不三以運義

點去善

無不宜齊

落落海上漚同此大覺憑愛憂生輾轉身毛常豎騰盍
飲般若湯作戲隨場登毗耶老居士精室完樞繩經冬
結詩制慶騰牽吟朋大家團樂頭半座喜暫升律寬香
火社事淡雲水僧醍醐酒同卮禪悅味較勝我來投坐
具戀此三宿曾窺牀貝遮眼擁衲涕垂膺想覓句呈佛
罔顧口毒興宗雷大禪將先顯智力能清詞傳雪竇妙
響聞迦陵吁嗟達摩規文字非所矜宗彼廣長舌綺語
要痛懲轉慮百想斷頑空亦下乘法華自有豔義海寧
徒澄倘假鈍根斬何辭慧業增低頭撥深火公案翻層
層一笑窻月白早懸無盡燈

上元後二日飲金以寧昆季所分賦

珍重趨君約齋頭禮數寬愛談忘夜警得酒傲春寒白
月待歸路清時閒內官餘杯慙小戶畱取隔朝歡

明贈光祿少卿陳睢兵巡道隴西關嶽華先生

忠蹟詩 并序

先生諱永傑字人孟流賊犯陳睢屢戰告捷賊慕其
英武希招致之先生叱斬其使賊憤甚糾壯騎環攻
持九晝夜糧竭兵憊及于難明崇禎壬午三月十二
日事也疏陳卹贈 國朝爲之建祠

思陵末造乾鼎沸狼烟鬼火接封燼米脂眇賊黃巾魁
西擾三秦南逼魏紛紛軒冕狐兔羣聳伏不假合圍費
先生壯繆之子孫平時高節百鬼畏誓伸隻手挽銀河

無不宜齊

卷二

八

叔敬字

四字欠位置

三字欠

然土非感德事

二字大欠

羽儀白衣裝云

無不宜齋臺

寢不解甲食忘味。烝土已曾堅。戍埃殺妾尚將足。軍餼
洶然狂寇被摧磨。憊矣殘兵勤撫慰。甘言無忌敢曉曉。
坐看背裂鬚。磔蝟博人窮。獸利牙爪蔽空孽。豕蒸蝗蜚。
匡城血戰九宵連。羽鏑交馳動精緯。庚癸無靈丙丁熾。
妖墓勢逞月蝕既。常山舌在厲聲高。熱血當原瀝肝胃。
生無能報死當償。却敵鬼雄魂魄毅。此言昔覩昌黎文。
紙上于今見生氣。張巡饗士許罵賊。睢陽今古事髣髴。
騎星天上共頡頏。授職鄧宮欣集彙。豐碑傑宇表千秋。
絃歌臺側薤榛卉。墓在絃歌臺嗚呼人身輕重蓋棺分。一死視
君九鼎貴。

李宸妃粧臺

獨有粧臺在。同時故物稀。歸然如魯殿。遺事說金妃。逝
水成今古。閒花想是非。已沉臺畔月。猶得日邊依。一月日邊明妃

對金章宗句

以龍井茶分餉吳東壁杭莖浦勝以詩

蟄雷響空樹。雲塢春初劄。覲髮綠沉影。一夜破勾甲。娃
鬟及時出。筠籃共細掐。貢新首方物。千里走一霎。山前
舊禪侶。念我久渴乏。收餉得數串。筠裹幾重夾。急欲付
寒鑊。點湯試魚眨。採薪缺松椽。遞水遠苔雪。樵青三日
忙。兔瓊始一呷。清風習習生。不用動蒲葦。微熏中倦體。
攤牀自餉貽。夢魂轉顛倒。宛聞空腹喋。與君共鄉里。夙
昔素馴狎。澆舌貯青州。未嫌腸隔隘。如何三載瞥。十斛

二句拖作三句者

細芽則黃不得沈

五打二字欠

首字模糊一寫為不

假

今為不中

發重亦不下表字

既言不為眼

末三句句意

斯不亦以推青代童子字

竹是

亦以破轉此不稱

與長支雜碎句氣味
俱不情

無不宜齋

塵堆壓不聞種菜園踏破本羊腓非類并相仇軍聲亂
鵝鴨一壁勢孤懸頓成小敵怯醒來記斯語失笑捧胸
脇轉念吾邦美靈秀著川峽草木擅聲聞終猶餘氣洽
豈無高雅士配此清絕業吳杭屈指最超脫汚塵劫腹
中但何有參差萬編插試移茗椀對况味較來恰一盃
遂平破親題五雲押朝來遣銀鹿入手輕易扱寶劍贈
烈士庶免悲龍匣况君識此味不買劉伶鍾耶律楚材詩長笑劉伶不識茶
胡為買鍾漫隨車新意造水符精具備火筴關門自煎喫甌影動
白蛤百脈導津潤春冰釋官閨寧如我形穢障面必羽
翼投李報瓊玖請將滌胃法

過周蘭坡翰林齋出移居詩索和次韻八首

三間老屋治西東遷次年年等寓公白犬丹雞隨杖後
殘書秃管簸車中此生未是浮波梗到處還成踏雪鴻
集向上林爭選樹較來難獲一枝同

農丈人乃生名

惟此屋岸上船中

淨闢階蕪掃席塵空堂蕭瑟忽成春寫圖絕異村夫子
避地豈如農丈人架畔小除猶得隙尊前雜坐復誰賓
琴書瀟灑都隨分簡易何愁見在身

青雲誼在忍分垂易地相看帖妥皆舊居讓齊比向吾廬
應倍勝添將話柄亦殊佳兩邊共結張融宅三次曾更
杜甫齋翰林至都他日詔攜家具入省中同對藥翻階

向陽草木曙先曦半畝林塘長舊蓀生趣尙遺書帶種
其新居曾寓幽踪不掃砌衣痕地靈祇被英賢占室陋唯
鄭筠谷先生

無不宜齋

卷二

因道德尊更如堂構古事遠傳經暫跡何心官堂構卻看文業嗣仍昆

穀觶車隨四路交一時齊卷衲僧包

時鄭筠谷阮裴園陳句山金以寧質夫俱有移居之舉

三春柳煖鸞遷谷百尺桐修鳳定巢嘉樹或從明府乞

新詩爭遣小胥鈔但憐問字人難識一一憑誰指市梢

宣武城南並傲居舊盟無恙托春耒清陰駱驛瞻衡宇

虛禮芟除話爾予地脈宛分同汲井壁光相鑿對翻書

循墻數尺抽身便蠻榼紛攜鬪飲儲

此身無分近巖廊欲往從之道路長瑟縮漸教心就懶

賤貧安得語生香諸公家是鳴珂里故國春如碎錦坊

進退恍成籬下觸綠尊青鏡負年芳

隨地風花別溷茵追從未及鏡湖濱到門不散王生髮

把臂猶看孟氏鄰薄海交遊嗟我晚名山著作擬君倫

翰林題余郊居圖有著作名山業句何當買宅輸千萬移傍高齋奉後塵

偕汪西顥徵士周心羅明經吳季調金聞石兩

上舍至太學觀石鼓

石刻三代遺獨數岐陽鼓歐陽永叔始三疑聚訟紛紛

莫覩縷羸秦宇文兩說最支離其餘尙足資採取有若

董卣程大昌引據盲史歸成王王歸自奄蒐岐陽此說

未得為荒唐後人過信韓蘓二公說往往摒棄此一切

千秋誰具隻眼人安得驟將疑獄決小長蘆釣師搜括

舊聞靡缺遺珊柯玉屑悉完聚足令十鼓增光儀余來

日下三年茲未得一覩法物心鬱伊手此一卷卧勿離

三字又後

支離火切

此字欠

疑字欠

雖在籍而前我大碑

無不宜齊

一旬不刻

小者非布衣

搬運同為詞

甚凡句不實

年

年

年

年

年

參同較異覓正本，丐貸不吝酒百甔。偶從吳君得口授。

讀自秘府無人窺，遺珠收拾二十有餘顆。一一掃盡雷

同辭。吳東壁先生於三禮館閱永樂大典，所載石鼓事蹟有日下舊聞未收錄者二十餘條，余益他書所見為石鼓補錄一卷。亟呼小胥

膽手彙，研就丹黃夜親校。搬薑積米旋倍之，將以屏當

刷梨棗。更思廣輯諸家音釋文，發凡起例如班表。今日

幸從諸公後，摩挲不負此兩手。吾欲拓之歸，鈎摹完字

列表首。癡生好事固爾然，邇慮世間先有珊瑚鐵網珍

珠船

偕蔡雪鴻處士出沙河門為友人覓其先櫬

徑仄停車遠，彎多請路頻。風聲啼怪鳥，樹影立長人。瞰

穴狐羣竄，尋碑字跡湮。若教差免餒，吾敢憚艱辛。

出西直門小憩高粱河畔

出郭不數武，喧寂頓殊隔。清冬亦濟勝，不待冶春屐。齊

園蹟已荒，一川快實獲。葭收水徑寬，清楚劃梁石。凭闌

俯淡沲，高柳影如戟。儵魚識早寒，攢沙每什佰。徵詩証

孔昭平鏡湛空碧，茲河乏上源。諺語想曩昔。見水原土

猶沮洳，隱散玉泉脉。沿流欲深討，駑馬復前策。

自廣通寺取道過門頭村

精藍占崇基，卓立煥且儼。丹門俯大道，佳境入已漸。風

葉落滿頭，作態尚磨颯。林空渺棲匿，突出烟幾點。大小

同肩排好醜，各着歛黏空。雲氣微碧色，妙渲染昏疲。兩

破忘筋力，殉所慊平生。慕隩區得路，正西崦門頭第幾

徵詩高上下不稱

七字但不感貼

原土不情 雙字要商

村載筆先點檢

門頭村為西山門徑袁宏道有先問門頭第幾村句

閉戶養腰脚再來踰

絕險

欲至海澱訪周元木不果

出山仍住山君與山有素嘆我塵土人不識山前路

小隱園燈詞為杭堇浦賦

雅意從來得未曾元宵佳話此新增綵棚繡幄全無用

一樹梅花一盞燈

清詞同鬪調頻翻關住春光獨滿園多事酒旗歌板地

魚龍曼衍苦喧煩

冰池倒影薄銀紗槭樹無春也著花頗笑月娥佳思短

鯨膏未盡影先斜

四字不寫

字俱太直

酒缸映動吠琉璃街鼓鼕鼕醉不辭髣髴家園舊風景
沙河塘上夜歸時

冰糖聯句

勁質出蔗田汪沈西顥取象觀凝冽迢迢閩海造柯一

騰南墀津津董郎說初擬醅牀壓晴江漸作鹵盤結纖

刀刮白沙許峻標聖裁重羅篩素屑惟渙受以萃西顥

含貞發其烈峻嶒鬱寒塊南墀廉厲守甘節或大若拳

鉤晴江或銳如角凸或同鬼斧斲聖裁或抵鶩肪截勻

或散擣菹西顥碎或零秣幽光艷明璃南墀剛影劃

精鐵凝崑池醴泉晴江配隙山甜雪凌堪千歲藏聖裁

凍豈六月輟熱中陰火潛西顥和懷冬柄竊完堅出素

無不宜齋
坊南墀致遠絡黃篋。共逐飴簫賣。晴江遠勝蜜脾切。雕盤雜羅。飢聖裁髻兒。恣攫掇。饒同饑鹿。舐西顥。粲效寒鼠齧。爽啣過狸頭。南墀微含等鷄舌。釋口見澌流。晴江磕齒愁。屐折惺忪曉。霜踐聖裁。臍膊春池裂。辨字齟頻。抵西顥。嘗攬味徐咽。乾唇轉渴。煩南墀。病肺漸疏泄。煮石訝同功。晴江餐玉妙。齊訣法惟貞。觀始聖裁。貢乃揭陀列。煎霜術已奇。西顥熬冰意。尤別窮工。創新美南墀。聚物養饗。餐盍簪飴。有戒晴江。呵硯凍方埒。鏤刻無用辭。聖裁願補誠齋缺。西顥

蘆草園查氏別業聽雨偕汪西顥作

拖泥閒就白扉敲。應免詞人舊雨嘲。竹屋儼如舟底坐。

故公太重

叔不說淚

作字更商

此有下句。上句安閑

瓶笙轉向耳邊交。征衣暫得消蓬塊。故蹟還疑響荻梢。
今園已無蘆商略新詩愁未穩。農謳先已遍春郊。

春闈榜後偶作八言十韻柬姚舜馨毛睿中

君不用恨擊玉唾壺。亦不用改調齊門竽。但得與君鬪十日飲。同作高陽市上酒徒。拔盡抑塞磊落志。氣關開。豐麗博敞軌塗。人生失意事常八九。買臣主父偃亦饑。驅終能以功名取富貴。豈竟沒沒作栖山夫。芙蓉振秀在秋江上。安得與桃李爭榮枯。莊生謂鵬以六月息。仍奮九萬里而南圖。天生材豈置無用地。特不欲輕出其魁殊器。固以晚成爲可貴。不見豫章之與蒲蘆。予未拾一芥。且作達君何爲是栖栖者乎。

李陽冰仙都篆石歌并序

仙都獨峰相傳軒轅氏上昇處唐李監合縉雲時篆
 黃帝祠宇四大字樹之碑祠毀碑失久矣茗溪鄭冠
 三爲學博得之叢棘中徙貯黌宮作詩以美之
 古來神物多中晦精英蓄秘如有待响嘯碑沉還自出
 陳倉鼓散久仍會真人詎肯炫珍奇健者初能抉幽闕
 陽冰篆室抵頡籀筆虎鴻聲駕斯蔡不逞俗書換白鷺
 相傳遺跡等金薤仙都山拱雲霄出軒轅氏畱祠宇在
 攀髯莫挽騎龍速走筆尙見蟠螭大塵苔侵蝕幾經秋
 雷霆呵護幸不壞顛末未遣圖經傳款識亦遺碑目載
 空谷何人赴足曾茗溪博士好古最披榛附葛履山腰

欠韵
夏人句盡看

剔土爬沙破天械蚪蚪經從家學古李陽冰家有蚪蚪孝經見趙次公蘓詩注癸巳

刻看文數配杈枒老樹盤硬枝鬱律長蛟走生態傳摹

豈惜墨千挺寶重休誇珠百琲繩牽瓊纒昇移轉簷深

礎緻嚴護蓋千秋永作膠墻鎮終朝喜與髦士對君家

餘慶擅大力昔日鳳翔表佳話石鼓置孔廟自鄭餘慶始後先追合古

情深遠近稱傳盛事再鄉邦不至千里隔紙本未得五

都賣何當隨子躡雲根摩挲一盡平生快

分賦得秋柳送許靜岩孝廉之保陽

一夜吟羌笛淒涼不可聽人情關別酒鴉影接長亭悴
 葉攀都盡征鞍去不停西風轉搖落盼望眼難青

禁體咏雪用東坡聚星堂韵

第三高確送

下一結字与高二句消息未若

題首二字日州

四字重下以下句可如此法施又

度二句可與放寬

徒園句太吃力

然字要空 修句假

字身二句活法 關門二字

世有 豈掃可弱 方圓二句

黃載不後

轉推思三字極手

注句二字久 監字高就而

繞 扶背未甚 極活未甚

連句白與力

無不宜齊

重雲凍合不分葉。罡風鍊雨暮成雪。霏微數點吹未覺。
顛倒滿空來不絕。充哇占壤失均竅。累砌加簷隨曲折。
犬聲吠巷狂亦喜。馬蹟翻泥過旋滅。積團漸重忽并墮。
斜點欲來仍反掣。紛紛互鬪逞威稜。一一詳看裁細纈。
潔身方幸我非孤。擇地誰知爾未屑。關門任打竹聲頻。
登樓怪換山形瞥。方圓無定却齊輝。茵溷胥安不虛說。
小堂僵卧獨推思。一任夜寒衾似鐵。

曉起雪止再用前韻

夜蟬行沙蠶齧葉。浙浙聲麓駐勻雪。朝來俯仰但一照。
挾背平原叫曠絕。寒花逞姣態橫陳。穉竹學恭腰屈折。
冷壓厨烟濕不起。淨奪山嵐微欲滅。遠人着屐路新斫。

字更難於手 但此句非

極其自未甚

冷身二句極活

收二字手法

仄裁太過

密座牽簾風屢掣。但恐斑痕化愁鬢。卻愛晴光除醉纈。
半壁猶然聚完塊。一林忽自散餘屑。冷尋未厭驢背苦。
久滯翻憐鴻爪瞥。收藏試遣家童掃。占驗頗聞鄰老說。
十斛憑將澡毒塵。歸向春田理耕鐵。

鞏華城

駐蹕先朝事。蒼涼見暮城。殘陽棲仄影。冷雁截虛聲。路
轉河流合。林疎客眼明。流連多古思。下馬且停征。

炙研

酸吟蟄冬房。風罅透餘冽。山骨本寒凜。斲破氣猶桀。鱗
鱗霰影攢。脉脉龜紋裂。鞞手已籤排。宣鋒亦椎結。才乏
元康敏。宵諷耻中輟。官租與束薪。舊意間嘗竊。爐頭堆

無不宜齋
品字火攻令中熱墨花粲騰騰益氣盜春洩奔筆赴涓
池淋漓暢點振掀唇勞十嬪轉笑呵穎拙

消寒社分賦得熊白

食蛙愁太瘦聊用進肥黏酒定鶯黃配
東坡詩洗盞酌鶯黃磨刀切熊白 珍
惟象白兼點酥餘手膩割玉趁刀纖一變嘗猶分何勞
問典籤

長至日看象聯句用昌黎陸渾山火韻

緹室葭動夜氣渾王任湖具區大祀遠溯萬物源吳廷
華東壁閭闔誅蕩雲脚吞戴廷熺綸掌華蓋羽璠金根
軒杭世駿董浦園邱燄燄初柴燔金焜以寧訾黃蹠蹠
彌平原陳兆崙句山五象厯蹙陵厚坤金牲雨叔屹然

嶽立絕鄂垠金文淳質夫樞光星朗勾陳垣周天度心

羅珠纓寶絡排黃門蔣和寧用安文罽十色輝朝瞰陳

滋長卿蠻奴下上捷騰猿劉星煒映榆詭體皺駁蹲疥

鼉睛江闊行大步舒翔鷗翟廷法補堂天衢緩駕靜不

奔張標東田氣壓百獸形模尊具區吉雲跌坐卑鹿園

東壁金瓶鬼背萬寶繁綸掌萬目環注萬口喧董浦山

移次第儷篋塤以寧招搖連蜷旂幡句山垂鼻宛宛

竿揭禪雨叔陰虹怒決連尻臀質夫黃朱纂羅輿轆軒

心羅飲飛夾馳紛橐鞬用安香陰砒隱來雲幡長卿豐

隆駐節靈旂帟映榆射牛虔瘞無歸幡晴江獨爾蠢蠢

猶陵屯補堂巨迹深隱龍負盆東田鑄形麟困儕犧樽

無不宜齋集
具區駢闐肉陣高言言東壁睢盱却走人海翻綸掌大
旨欲挽陽和反董浦頑皮矚動兩目暖以寧五丁分行
鞭雲根句山左右傲睨無龍孫兩叔千氣萬力集趾跟
質夫度支月廩咸 帝恩心羅六牙珂雪墳厥元用安
峨峨腰脊愁攀援長鄉南荒赤螿胡足論映榆闐然直
入摩高闈晴江頰壤侈剝撐塘痕補堂元尊般裔虔心
魂東田靈寢震澹消煩寃 具區帝釋調馭威神存東壁
甘蕉都蔗供噍噉綸掌玉河沒浪從姘婚董浦萬里底
貢傳滇昆以寧卸墀拜舞當關蹲句山莫教狂舞如崩
騫雨叔局鑄石室勿復怨質夫圖南肯羨移海鯤心羅
宸居崇衛依岷崙用安章溝嚴署番朝昏長鄉燿火蘊

燎蕭炳焚映榆侍祠歲舉匪數煩晴江雄詞擬鑄宛鼎
捫京山

雪中集紅泉館送汪西顥之福州周心羅之淮

安聯句

朔雪氣莽蒼封徑不可彗穿林見屐痕打門故驚睡杭
世駿董浦噤瘁到毛髮沾濕在帟帔穆穆如有思卒卒
何所爲王任湖具區近別不知愁遠別心煩熾執手黯
不言錄別在取醉汪沈西顥命庖潔羞尊戒客後先至
清歡期永夕雜坐語無次周天度心羅賡續八能士紛
綸五經笥蘭蓀抱奇芬韋弦取幽費周大樞元木卓犖
無近情俯仰多古意百觚恣喧騰丈室傳清閱趙賢端

無不宜齋

九

人積素照虛襟紛麻雜離思融情發丹府寒氣遠相避
晴江燭跋請更難尊空尚容市顛倒沒杯杵瑣碎乞鹽

岐翟廷法補堂

南烹洵堪珍異味不難致方言見鄉情

雅合徵僻事董浦談豪餘可賈理妙近取譬懽悰浩無
方離懷耿難暨具區感慨恐失時從容起攬轡萬里矜
壯遊九有竝竝議元木棲峙笑雌伏摩霄學鷹鷲東南
苦濕腐西北足塵膩端人汗漫隨雲敖荒唐追赤驥
輪駕三山暫出亦游戲晴江薌淪鳳山茶鮮剝楓亭荔
禽呼習侏儻詩稟續骹骹西顛河魚昨大上哀鴻滿徐
泗書生藉刀筆袖手徒呀咽心羅不忝管樂才均負公
輔器借箸無迂圖叩囊有餘智補堂大材用固難小車

大道

去何駛宁令寄當歸未許嘲遠志元木雲霞友誼高金
石天情摯杜甫笑老狂魏徵真嫵媚具區先路既有道
前修尚容企致身期潔清舉足懼顛躓董浦瓠落無所
容萍跡偶然植枿鑿付方員牽挽任軒輊端人旗亭柳
尚髡驛路草未翠贈君與送君含情兩不遂晴江妍妍
美風度翩翩盛書記迢迢歷國都累累煩郵置補堂或
登劉伶臺或蒞無諸治行營漂母墳縱觀估客肆董浦
曉烟單舸輕春風片帆利河流盪日光灘聲澈夜寐具
區遠移一枝巢願孤九州被高會續郾城歸夢結湖寺
西顛古歡膠漆投雅操熊魚嗜良言互丁寧隱抱各宣
示心羅身世號寒蟲歲月過隙駒昔爲同隊魚今作分

無不宜齋

卷二

九

飛翅端人輪蹄忽齊發燕楚各遙寄群居澹已忘分手
憬難寘晴江詠調慰羈孤箴切見風義驚心津梁疲矯
首河山異補堂雲物豁靈襟游觀助奇氣但令水土諳
毋使心力瘁具區恥上韓愈書懶挾禰衡刺馱行畏友
朋令德保終始西顥晨鷄豈常暗修軫會一試合離境
詎常出處事無亟心羅江浦尚楚風凱樂有橫吹莫悲
行路難獨羨東裝易端人謀能蒐卒乘力可起彫劫作
奏固在工依人豈爲媿元木入門羞擊裾前席每倒屣
文章信有神風節庶不墜補堂幕府急羽書河堤蒞朝
使翳唯慎固防要令息烽燧晴江古賢貴令名吾黨重
氣類念之增煩悃思子日慘頽葦浦良工歛淬磨大冶

失鉗錘吾過謝不聞嘅焉動深喟具區翰林王國楨流
覽盡金鑽方將宏遠謨豈慮辱高位西顥孝廉蘊壯猷
屢挫竟無恙畫理叶元賞文筆實清粹心羅二妙聳天
骨鉅手壓吳巖思精發神勇才餒輒心悸元木席帽仍
吾徒羔裘羨彼其追逐雲龍間跌宕優笑地端人蘊靈
妙結撰抒藻互餉饋硬語聲摩空歷歷皆可識晴江屹
如高墉言銳如猛擊剗鏘如振韶鈞煥如結珮璫補堂
五都璠璣陳五音宮商備拳拳見意深刺刺恐辭費葦
浦冰霜知爾歷風雨不予棄著論尚窮交讀易貞內比
具區寒聲漸浙瀝夜色失幽邃放慵觸畫屏分光撒鐙
幟元木饑鳥窘踉蹌黠鼠巧窺伺巡檐索枯梅開戶見

無不宜齋

僵樞西顯餘興何飛鸞詞源劇澎滯聊用救饑虛遑復
役文字心羅既非從軍行迥異上瀧吏且為三年淹底
用百憂萃晴江臨發仍分岐所惜不連騎溪山多勝情
去去勿侘儻董浦

風雨走訪杭董浦

不防雲黑過街來坐久旋教借笠回竹外一鷄鳴向晦
分明詩在不須催

題鄭履坡主事歸去來圖即送歸里

君之王母我祖姑兩家並住城東隅君先驥躍我蠅附
兩人並走長安路客居門巷總排連不異江鄉風雨聚
跳丸出沒電火移越鳥棲側懷南枝我方托意沈約賦

不必再燕兩人
跳丸向不閉肉
棲字當考

瑛成句會便

四字多字步

幼名二句凡近

善標傷 藩觸太生次

向無聊

謹和程三子雅

詩佳而後以言買山貨已高其

定

茅七不富

畫郊居君復寄與陶潛辭礬成白絹解烏玦松菊紛披三

徑列柴桑景物宛然呈恰補吳興錢選缺弁州畫跋錢舜舉

本此卷尤古雅第少却三徑就荒松菊猶存一段柴桑景讀君畫畢為君期明年二月連騎

歸功名縱爾異得失志願詎必分從違君今得歸輪已

豨手擎黃帕身著緋視我欲退且籓觸造物不公難謗

譏明朝誓亦買驢券望君後塵續初願先期寄語錢唐

湖評花贈爵吾來俱

移居雜詩

自向前頭策蹇驢一人牽犬一擔書先生家具還何有

枉借東家豕鼻車

倦游已辦買山貲鱸膾秋風早定期三宿豈無桑下戀

三句弱

乞字欠

陰詭不精

通言不害

信

無不宜齋

爪痕何苦又輕遺

樞繩牖甕略添修階草垣苔盡可留但把高樓勤鎖鑰

旅人從古怕登樓新居有樓

誰先解事乞花栽可惜花時我未來多謝墻陰一株棗

玲瓏專待主人開

杜韋門巷傍城南五載棲遲紀短函更得長楊名字好

添將詩話亦殊堪地名長楊弄

依然風土小杭州井脉潛分樹蔭周寄語士衡應發粲

西頭屋轉在東頭俗呼予寓齋曰西翟寓家載清兄住對門呼東翟寓城南諸巷多杭人因名小杭州

天涯聚散本花塵飄撇隨他落溷茵尚有能詩許丁卯

苦相畱戀不嫌貧同寓人各散去惟許聖裁獨畱

盛夏苦熱詩以自解

風谷閉火井熾蜥蜴甕封雨不至炎官發令森可畏從

來南方北方涼暑異今年轉變出人意老翁頭白不曾

經道路暍死紛相繼吾欲向深山逃轉憚路迢遙吾欲

用寒泉澆復少人擔挑曉來卧地直至宵夜裡揮扇又

連朝屏闌窻几榻寸寸如煎燒解衣已類倮人國流汗

霖霖徧體成腥臊閣閣銅盞響聲聲耳根入不是飲冰

難濟急昨日一錢今累十街鄰又有言明朝凌空將不

給斯時出亦愁入亦愁既類涸轍之鮒又似喘月之牛

推窻但覩赤日午掃地為祝金風秋清涼之術究何求

吁嗟乎澄水帛招涼珠含風袍北風圖希世寶物安得

三五四字不能承若若類同

據語俱不甘越

夜裡句唯

解衣二句不鍊

街鄰句可州

清涼句可州

請君同無手法

簾櫳向不稱上段接下之
富章法

通首未煉血脈
沙平句村不強

不店後坊名卷
第三句出

無不宜齊身

歸吾徒。請君釋躁聆歌呼。吾徒雖病病易蘇。耕者在野
負者在塗。當天日頭烙其膚。綠楊下忍耽須臾。樂莫樂
公侯狐冠裳。役尙禮法拘吾徒。上之不著朱與紫。下之
不執耒與耜。終朝鍵戶良其趾。簾櫳透颺樹移晷。左浮
瓜右沈李。搖鷺縷。淪鷹紫。人生知足爲佳耳。妄生嗟怨
殊過矣。

金慎齋比部出關圖

萬歲龍蟠地。山河控勢雄。明駝宵卧雪。健鶻曉呼風。樹
斷天關出。沙平地界空。未能乘一障。枉自嘆途窮。

過馬市

昔聞昌黎言。冀北地多馬。結市混千蹄。充牣首函夏。願

七音欠語音

步進二句四

與今不來用詞以教他室

駱駝驢騾赤白兼黃赭。馬質務矜銜策試。少嫻雅粗安。
羈勒施屢急。鞭箠打販夫。及豪僕。瞠目審取舍。精麤究
何得。養棘舍梧櫬。可惜天驥材。伏櫪但喑啞。權鬣暗三
花。筋骨瘦一把。昂頭欲噴訴。恐類金躍冶。步遲氣凋喪。
頓出駑駘下。市梢三旦立。見棄若土苴。涓人不可作。識
者久已寡。胡不捐棧豆。踴跳大樂野。予無增價力。還顧
亦聊且。彼士尙宜然。爲之一淚灑。

曉枕偶占

二十五點漏殘。一百八聲鐘起。黑甜樂在其中。黃妳味
不及此。

觀潮圖爲錢江聲上舍題

茅四字游 主培而城市斯之域
東之地乃後也 故字久
与尾句字游

用扶臂不精 大觀句弱

淨雅欠精 偶然不附同

因字雅

若意欠任 終用二語奪

下文臨其病也

及字欠

登臨二句大雅稿二語又

地信激亦句尤力

此詩堂宜直用 後唐江君相州也
差而上字 始安病也

粉飾二不古雅 茅五不亮茅六可
未三

首句未厚成

蒙辱不回 普製未德

化字不精審

首句太重

茅五未鍊 高坐欠細

無不宜齋

君家尚父雄南邦。親彎强弩獐龍降。靈潮掉頭不西擊。
沙河舊岸移鐵幢。城東一掌著平行。鄉鄰陸續興耕耜。
余家故業曲江里。與君不越河之砥。每逢秋來月魄盛。
海門激射雷砰聳。風旗萬道驕馬佚。雪山千尺神鰲扛。
高原置酒挾遠眚。大觀屈數無能雙。即今拋撇五六載。
耳底尚覺鳴琤琮。偶然客舍百無事。倚牀坐話秋荷缸。
君因發篋出絹素。淋漓滿幅驚湍瀧。家鄉絕景宛在目。
各惹歸思縈心腔。終南山翁不可值。安得頃刻乘飛艘。
蒲帆十幅君早辦。江樓及拓玲瓏窻。登臨莫僅耳目賞。
恍然觸之神應懽。兼天勢急已如此。微禹豈不遭衝撞。
操觚勤述遠祖德。補入歐史揚豐龐。我歸尚擬作箋注。

君試期我錢唐江

消寒社詠史分得蕭梁

樊鄧高呼振八戎。新林一舉執梅蠱。大裘素輦規模遠。
建鼓縣鐘粉飾工。詔許贖金三就釋。函陳謗木九關通。
秣陵王業偏安後。文教居然數大同。
袞旒未肯愛河捐。梵住何能繼八禪。宗廟爽靈除血食。
公卿蒙辱議身錢。頻看法會無遮設。普製金經大品傳。
底事長干新塔建。轉教魔火化烽烟。
掘尾狂獘肆毒淫。青絲白馬壽陽臨。圍城賦但尤朱异。
啟事封當憶賀琛。焱騎突馳蔬圃爛。雄藩高坐羽書沉。
淨居殿裏蜂脾絕。了却平生未捨心。

其下宜齋

卷二

百

似欠蘊藉第六元咏

四字元弱

無不宜齊

元圃風流冠省闈諸郎文采並清輝六通才艷吟宮體
一目形殘識布衣進罷黃囊吞土驗囚來烏幔脫冠非
轉畱餘運成高讓持較巴陵事不違

國

